

Esei t'e Turista Nos Ke?

“Homoseksualnan merikano ta biaha sinku bia mas tantu ku averahe nashonal di e pais aki, i ta gasta muchu mas pa nan fakansi.” Ademas, EXTRA a reportá otro sífra interesante ku a resultá di un enkuesta di 2100 hòMBER i muhé homoseksual. Entre otro, 45% di e homoseksualnan enkuestá a laga sa ku nan ta krusa laman pa nan fakansi, kompará ku e averahe nashonal di Merka di 9%. Tambe e artíkulo a indiká ku nan a gasta aproksimadamente 47.3 bion dòlar na biahe.

Mirando sífranan tan atraktivo, sigur e “gurunan” finansiero i turistiko di nos islanan karibense—buskando alivio pa nos sekura di sèn—por mira e merkado aki komo un mina di oro. Ma e as atraktivo tin su anzué!

Homoseksualnan ta promové nan sistema di bida komo algu normal, sano, i salú. Ma en realidat, homoseksualidat ta karakterisá pa immoralidat riba un eskala spantoso. Na aña 1978 e organisashon merikano, *The Institute for Sex Research*, a haña ku solamente 10% di hòMBERNAN homoseksual tabatin un òf poko partner seksual, miéntras ku 60% tabatin por lo ménos 250 partner seksual durante nan bida, i 28% homoseksual maskulino tabatin mas ku mil diferente partner seksual. Ademas, 79% di e homoseksualnan a atmití ku mas ku mitar di nan partnernan seksual tabata stranhero. Esei ta e tipo di turista ku nos ta deseá pa atraé na nos isla?

Tur klase di enfermedat venérikò ta resultado di e práktikanan parotin i grosero di homoseksualnan. Nan tin sinku bes mas chèns pa kontagiá sífilis ku un pèrsona heteroseksual. Hepatitis B, gonorea di ano, i kanser di ano ta típiko entre homoseksualnan. Maske kualke persona por kontagiá AIDS, su orígen tabata den e komunidad homoseksual i te awe un proporshon grandí di homoseksualnan ta HIV seropositivo kompará ku heteroseksualnan. Dr. William Foege, direktor di Sentronan pa Kontròl di Enfermedat na Merka, a revelá na aña 1983 ku “E víktima averahe di AIDS tabatin 60 partner seksual den e último 12 luna.” Segun estadístika di yùni 1992, 59% di tur kaso di AIDS na Merka tabata resultado di homoseksualidat maskulino. Tambe 70% di tur kaso di AIDS na Merka ta entre hòMBERNAN homo- òf biseksual. Konsiderando nan sistema di bida parotin, ta spantoso—ma no sorprendente—pa realisá ku solamente 1% di homoseksualnan maskulino ta muri di biehes. Esei ta e tipo di turista ku nos ta deseá pa atraé na nos isla?

Nos Kreadó, sabiendo kiko ta lo mihó pa nos komunidad, a prohibí tur akto homoseksual. “*No drumi ku hòMBER manera ta drumi ku muhé; ta un abominashon. Si un hòMBER drumi ku un hòMBER, manera esnan ku ta drumi ku un muhé, nan tur dos a kometé un akto abominabel...*” (Levítiko 18:22; 20:13).

Maske Dios ta odia aktonan homoseksual, E no ta odio a pèrsona. Dios ta stima e lèsbian, e homo- i biseksual. Esei ta e mentalidat nos turismo por reflehá tambe: stima e homoseksual, ma odia su piká! Nos no mester kore ku turista homoseksual ku ta komportá su mes desente. Ma di otro banda, nos no por pèrmití su moralidat pervertí infektá nos komunidad.

Último añanan den Karibe tin e fenomena di turismo krusero homoseksual...barku di pasahero ku homoseksual so abordo. Despues ku homoseksualnan a sunchi i brasa otro abierto riba nan kayanan, Grand Cayman a tuma e posishon ku no ta aseptá barku asina mes mas! Nos tambe mester para riba ku no ta aseptá turismo krusero di e forma ei!

Komo islanan ku ta dependé di gran parti di e dòlernan ku turistanan ta laga atras, nos mester komprendé bon kla ku **nos poko normanan i balornan ku a sobra no ta na benta pa kualke ken ku ta ku tin sèn.** E moralidat di nos isla ta muchu mas balioso ku nos prosperidat finansiero!